

ԿԱԶՄՎԱԾ Է 13.10.2021թ.

ԲԱՂԿԱՑԱԾ Է 11 ԷԶԻՑ

ՏՊԱԳՐՎԱԾ Է ԸՆԴԱՄԵՆԸ 2 ՕՐԻՆԱԿ

ՕՐԻՆԱԿ 1

ՀԱՍՏԱՏՎԱԾ Է՝

«ՆՈՐ ՎԱՆԱԶՈՐ» ԺՈՂՈՎՐԴԱՎԱՐԱԿԱՆ
ԿՈՒՍԱԿՑՈՒԹՅԱՆ
ՀԻՄՆԱԴԻՐ ՀԱՄԱԳՈՒՄԱՐՈՒՄ
«13» հոկտեմբերի, 2021թ.

Կուսակցության Նախագահ՝
Արայում Գրիգորյան



ԳՐԱՆՑՎԱԾ Է՝

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ
ԿՈՂՄԻՑ

«11» հոկտեմբեր 2021թ.

գրանցման համար՝ 211/112/204029
հարկ վճարողի հաշվառման
համար՝ 06962685

 Սեդրակյան Է



«ՆՈՐ ՎԱՆԱԶՈՐ»
ԺՈՂՈՎՐԴԱՎԱՐԱԿԱՆ
ԿՈՒՍԱԿՑՈՒԹՅԱՆ
ԿԱՆՈՆԱԴՐՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ

1.1. «Նոր Վանաձոր» ժողովրդավարական կուսակցությունը (այսուհետ՝ Կուսակցություն) քաղաքացիների կամավոր անդամության հիման վրա ստեղծված հասարակական միավորում է, որն իր գործունեությունն իրականացնում է Հայաստանի Հանրապետության տարածքում՝ Հայաստանի Հանրապետության Սահմանադրության, Հայաստանի Հանրապետության օրենքների և ենթաօրենսդրական նորմատիվ իրավական ակտերի, սույն կանոնադրության, ինչպես նաև Կուսակցության ծրագրին համապատասխան:

1.2. Կուսակցության գործունեությունը հիմնվում է անդամության, կամավորության, անդամների իրավահավասարության, սեռից, ռասայից, մաշկի գույնից, գույքային վիճակից, ծնունդից, հաշմանդամությունից, տարիքից կամ անձնական կամ սոցիալական բնույթի այլ հանգամանքներից կախված խտրականության արգելման, կուսակցության անկախության, ինքնակառավարման, կոլեգիալության, գործունեության թափանցիկության, հրապարակայնության և հաշվետվողականության սկզբունքների վրա:

1.3. Կուսակցության, որպես իրավաբանական անձի, իրավունակությունը ծագում է պետական գրանցման պահից և այդ պահից Կուսակցությունը գործում է ժողովրդավարության, հրապարակայնության, թափանցիկության և նախաձեռնությունների ազատ դրսևորման սկզբունքներով, օգտվում Սահմանադրությամբ և օրենքներով սահմանված բոլոր իրավունքներից և կրում Սահմանադրությամբ և օրենքներով սահմանված պարտականություններ:

1.4. Կուսակցության անվանումն է՝

- 1) հայերեն՝ «Նոր Վանաձոր» ժողովրդավարական կուսակցություն (հայավումը՝ ՆՎԿ),
- 2) ռուսերեն՝ Демократическая Партия “Новый Ванадзор” (հայավումը՝ ДПНВ),
- 3) անգլերեն՝ “New Vanadzor” Democratic Party (հայավումը՝ NVDP):

1.5. Կուսակցությունն ունի ձևաթուղթ, կնիք, բանկային հաշիվներ, այդ թվում՝ արտարժույթով:

1.6. Կուսակցության գտնվելու վայրն է՝ Հայաստանի Հանրապետություն, ք. Վանաձոր, 2019, Շինարարների փողոց, 2 շենք, 25 բնակարան:

2. ԿՈՒՍԱԿՑՈՒԹՅԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

2.1. Կուսակցության նպատակն է Հայաստանի Հանրապետության Սահմանադրությամբ, «Հայաստանի Հանրապետության ընտրական օրենսգիրք» սահմանադրական օրենքով, «Կուսակցությունների մասին» Հայաստանի Հանրապետության սահմանադրական օրենքով /այսուհետ՝ Օրենք/ և այլ օրենքներով ժողովրդավարական ընտրությունների միջոցով ապահովել իր ներկայացվածությունը պետական կառավարման և տեղական ինքնակառավարման մարմիններում մասնակցելով պետական իշխանության և տեղական ինքնակառավարման մարմինների ձևավորմանը, պետական քաղաքականության մշակմանն ու իրականացմանը:

2.2. Կուսակցության խնդիրներն են.

- 1) Հայաստանի Հանրապետության համայնքներում քաղաքական նոր մշակույթի ձևավորումն ու հաստատումը,
- 2) Հայաստանի Հանրապետության համայնքների հիմնախնդիրների, բնակչության սոցիալական կարիքների և դրանց առաջնահերթությունների վերհանումը,
- 3) Հայաստանի Հանրապետության համայնքներում երիտասարդության քաղաքացիական ներուժի զարգացումը, արդյունավետ օգտագործման համար կառուցակարգերի ներդնումը,
- 4) համայնքային բնակչության սոցիալական ապահովության մակարդակի բարձրացմանն ուղղված միջոցառումների իրականացումը, արդյունավետ կառուցակարգերի ներդնումը,
- 5) Հայաստանի Հանրապետության համայնքների մշակույթի, տուրիզմի, տնտեսության, կրթության, առողջապահության, սպորտի և այլ ոլորտների զարգացումը,
- 6) Հայաստանի Հանրապետության համայնքների տնտեսական զարգացմանը խոչընդոտող խնդիրների վերհանումը, դրանց հնարավոր լուծումներ տալու ուղղությամբ միջոցառումների և ծրագրերի իրականացումը,
- 7) Հայաստանի Հանրապետության համայնքների գիտակրթական համակարգի վերակառուցումը, ուսուցման առաջատար տեխնոլոգիաների ներդրումը,
- 8) Հայաստանի Հանրապետության համայնքների մշակույթի, զբոսաշրջության, տնտեսության, կրթության, առողջապահության, սպորտի, բնապահպանության և այլ ոլորտների զարգացմանը և համապատասխան հաստատությունների կառուցմանն ու վերանորոգումներին ուղղված միջոցառումների իրականացումը,

9) կարևորելով միջազգային համագործակցությունը՝ այլ պետությունների համայնքների հետ կապի և համագործակցության հաստատումը մշակույթի, զբոսաշրջության, տնտեսության, կրթության, առողջապահության, սպորտի և այլ բնագավառներում,

10) Հայաստանի Հանրապետության համայնքներում սոցիալ-տնտեսական, պետաիրավական և քաղաքական կառուցակարգերի ձևավորումը:

3. ԿՈՒՍԱԿՑՈՒԹՅԱՆ ԱՆԴԱՄՈՒԼ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1. Կուսակցությանը կարող են անդամակցել 18 տարին լրացած, ընտրական իրավունք ունեցող Հայաստանի Հանրապետության յուրաքանչյուր քաղաքացի, ով ընդունում է կուսակցության ծրագիրն ու կանոնադրությունը և չի հանդիսանում մեկ այլ կուսակցության հիմնադիր:

3.2. Կուսակցության հիմնադիր, ինչպես նաև անդամ չեն կարող լինել «Կուսակցությունների մասին» Հայաստանի Հանրապետության սահմանադրական օրենքով արգելված անձինք:

3.3. Կուսակցությանն անդամագրվում են կամավոր հիմունքներով և անհատական կարգով՝ համաձայն կուսակցության կառավարման խորհրդի որոշման:

Եթե ՀՀ Սահմանադրությամբ և օրենքներով կուսակցությանն անդամակցությունն անթույլատրելի է դառնում, այն կասեցվում է կուսակցության անդամի դիմումի հիման վրա՝ կառավարման խորհրդի որոշմամբ:

3.4. Կուսակցության անդամն իրավունք ունի՝

3.4.1. Ընտրել և ընտրվել Կուսակցության ղեկավար և վերահսկողություն իրականացնող մարմիններում:

3.4.2. Տեղեկատվություն ստանալ կուսակցության ու նրա ղեկավար մարմինների գործունեության վերաբերյալ, վերահսկողություն իրականացնել նրանց գործունեության նկատմամբ, ստանալ փաստաթղթերի պատճեններ, Կուսակցության կանոնադրության փոփոխությունների, գույքի կառավարումից ստացված դրամական միջոցների վերաբերյալ, ինչպես նաև ստանալ Կուսակցության հաշվետվությունների աուդիտի իրականացրած անկախ աուդիտորների եզրակացությունը:

3.4.3. Ներկա լինել Կուսակցության համագումարի նիստին անձամբ՝ մասնակցության մասին նախօրոք տեղյակ պահելով կառավարման խորհրդին կամ պատվիրակի միջոցով, ծանոթանալ Կուսակցության մարմինների արձանագրություններին, ստանալ նրանց ընդունած որոշումների պատճենները, Կուսակցության ղեկավար մարմինների քննարկմանը ներկայացնել հասարակական – քաղաքական կյանքի տարբեր հարցերի վերաբերյալ նախաձեռնություններ և առաջարկություններ:

3.4.4. Մասնակցել այն ժողովին կամ նիստին, որտեղ քննարկվում է նրա անձնական հարցը կամ առաջարկությունը, արտահայտել իր կարծիքը քննարկվող հարցերի վերաբերյալ:

3.4.5. Դուրս գալ Կուսակցության շարքից իր դիմումի համաձայն:

3.4.6. Բողոքարկել Կուսակցության ղեկավար մարմինների որոշումները և գործողությունները /անգործությունը/:

3.4.7. Կասեցնել և վերականգնել իր անդամությունը կուսակցությանը:

3.4.8. Օգտվել Օրենքով և սույն կանոնադրությամբ նախատեսված այլ իրավունքներից:

3.5. Կուսակցության անդամը պարտավոր է.

3.5.1. Գործել կուսակցության կանոնադրության և ծրագրի շրջանակներում:

3.5.2. Կատարել կուսակցության համագումարի, ղեկավար մարմինների որոշումները և ծրագրային դրույթները:

3.5.3. Վճարել անդամավճար, որի չափերը և գանձման կարգը սահմանվում են կուսակցության խորհրդի կողմից:

3.5.4. Կատարել Օրենքով նախատեսված այլ պարտականություններ:

3.6. Կուսակցությանն անդամակցությունը դադարում է.

3.6.1. Համաձայն իր դիմումի՝ կուսակցությունից դուրս գալու դեպքում,

3.6.2. Կուսակցությունից հեռացվելու դեպքում,

3.6.3. Կուսակցության անդամի մահվան դեպքում,

3.6.4. Կուսակցության լուծարման դեպքում,

3.6.5. Օրենքով նախատեսված այլ դեպքերում:

3.7. Կուսակցության անդամին խրախուսելու միջոցներն են՝

3.7.1. Շնորհակալագիր, պատվոգիր, հուշանվեր կամ դրամական պարգև,

3.7.2. Կարգապահական տույժի հանում,

3.8. Կուսակցության կանոնադրությամբ նախատեսված պարտականությունները կամ վերադաս մարմինների որոշումները չկատարելու, իր վարքագծով Կուսակցության վարկն ու հեղինակությունը արատավորելու, ինչպես նաև երեք ամիս անընդմեջ անդամավճար չվճարելու դեպքում կուսակցության անդամը կարող է ենթարկվել կարգապահական պատասխանատվության՝ նկատողություն, խիստ նկատողություն, կուսակցությունից հեռացում:

3.9. Կուսակցության անդամների կարգապահական պատասխանատվության հարցի վերաբերյալ որոշում է ընդունում Կուսակցության մշտապես գործող ղեկավար մարմինը՝ Կառավարման խորհուրդը:

4. ԿՈՒՍԱԿՑՈՒԹՅԱՆ ԿԱՌՈՒՑՎԱԾՔԸ

4.1. Կուսակցության կառուցվածքային մարմիններն են.

- 1) Կուսակցության համագումարը,
- 2) Կուսակցության մշտապես գործող ղեկավար մարմինը՝ Կուսակցության կառավարման խորհուրդը,
- 3) Կուսակցության վերահսկողություն իրականացնող մարմինը՝ Կուսակցության վերահսկիչ հանձնաժողովը,
- 4) Կուսակցության նախագահը,

5. ԿՈՒՍԱԿՑՈՒԹՅԱՆ ՀԱՄԱԳՈՒՄԱՐԸ

5.1. Կուսակցության բարձրագույն ղեկավար մարմինը Կուսակցության համագումարն է, որը հրավիրում է Կուսակցության Կառավարման խորհուրդը 4 /չորս/ տարին մեկ անգամ:

5.2. Կուսակցության կառավարման խորհրդի, վերահսկիչ հանձնաժողովի կամ Կուսակցության անդամների առնվազն մեկ երրորդի նախաձեռնությամբ /պահանջով/ կարող է հրավիրվել արտահերթ համագումար: Արտահերթ համագումար հրավիրելիս ներկայացվում են նաև համագումար հրավիրելու անհրաժեշտությունը և օրակարգը: Կուսակցության կառավարման խորհուրդը արտահերթ համագումար հրավիրելու պահանջը քննարկում է այն ստանալու օրվանից 5 աշխատանքային օրվա ընթացքում և նշանակում է արտահերթ համագումարի օրը և ժամը:

5.3. Համագումարի օրակարգը Կուսակցության անդամներին ծանուցվում է /հայտնվում է/ համագումարի օրվանից ոչ ուշ, քան 7 օր առաջ:

5.4. Կուսակցության համագումարն իրավագոր է, եթե դրան ներկա են կուսակցության անդամների ընդհանուր թվի առնվազն կեսը, իսկ համագումարին պատվիրակների մասնակցության դեպքում՝ պատվիրակների ընդհանուր թվի առնվազն կեսը, բայց ոչ պակաս քան 100 պատվիրակ:

5.5. Կուսակցության համագումարի բացառիկ իրավասություններն են.

- 1) Կուսակցության կանոնադրության հաստատումը և ծրագրի ընդունումը, դրանցում փոփոխություններ և լրացումներ կատարելը,
- 2) Կուսակցության կառավարման խորհրդի և վերահսկիչ հանձնաժողովի ընտրությունը,
- 3) Կուսակցության կառավարման խորհրդի նախագահի ընտրությունը, ինչպես նաև կուսակցության կառավարման խորհրդի նախագահի լիազորությունների վաղաժամկետ դադարեցումը,
- 4) Կուսակցության վերակազմակերպումը,
- 5) Ազգային ժողովի հերթական ընտրություններում կուսակցության ընտրական ցուցակում թեկնածուների՝ առնվազն առաջին երեք տասնյակի հաստատումը:

5.6. Համագումարն ունի նաև հետևյալ լիազորությունները.

- 1) Ընտրում է կուսակցության նախագահին, ինչպես նաև որոշում է ընդունում կուսակցության նախագահի լիազորությունների վաղաժամկետ դադարեցման մասին,
- 2) Հաստատում է կուսակցության կառավարման խորհրդի գործունեության մասին և վերահսկիչ հանձնաժողովի հաշվետվությունները,
- 3) Որոշում է ընդունում կուսակցության լուծարման մասին:

5.7. Կուսակցության համագումարն իրավասու է քննարկելու ցանկացած հարց, որի վերաբերյալ որոշում կայացնելու իրավունքը օրենքով կամ սույն կանոնադրությամբ վերապահված չէ այլ մարմնի:

5.8. Համագումարում ընտրված բոլոր մարմինները հաշվետու են համագումարին:

5.9. Կուսակցության համագումարը վարում է կուսակցության կառավարման խորհրդի նախագահը, իսկ վերջինիս բացակայության դեպքում՝ կառավարման խորհրդի կողմից որոշված անձը:

5.10. Կուսակցության համագումարին յուրաքանչյուր անդամ ունի մեկ ձայն: Կուսակցության անդամը, բաց քվեարկության ժամանակ, իր համար նախընտրելի «Կողմ», «Դեմ» կամ «Ձեռնպահ»

տարբերակը հնչեցնելու դեպքում բարձրացնում է ձեռքը (մանդատը): Եթե քվեարկության ժամանակ որևէ մասնակից «Կոդ», «Դեմ» կամ «Ձեռնպահ» չի քվեարկում, ապա որոշումը համարվում է միաձայն ընդունված:

5.11. Կուսակցության համագումարի որոշումները, բացառությամբ «Կուսակցությունների մասին» ՀՀ օրենքով նախատեսված դեպքերի, ընդունվում են համագումարում ձայնի իրավունք ունեցող ներկաների ձայների մեծամասնությամբ: Կուսակցության կանոնադրությունում կամ ծրագրում փոփոխություններ և լրացումներ կատարելու, կառավարման խորհրդի կամ վերահսկիչ հանձնաժողովի ընտրության, կառավարման խորհրդի նախագահի ընտրության, Կուսակցության վերակազմակերպման կամ լուծարման մասին որոշումներն ընդունվում են համագումարի ձայնի իրավունք ունեցող մասնակիցների ընդհանուր թվի ձայների մեծամասնությամբ:

5.12. Համագումարում քվեարկությունը կազմակերպվում է քվեաթերթիկների միջոցով՝ վարկանիշային ընտրության սկզբունքով: Առաջադրված թեկնածուների անունը, հայրանունը և ազգանունը, ըստ այբբենական հերթականության, լրացվում է քվեաթերթիկում: Կուսակցության յուրաքանչյուր անդամ ընտրություն իրականացնելիս, նշում է Կառավարման խորհրդի անդամների թվաքանակը չգերազանցող համապատասխան թեկնածուի անվան դիմաց: Կառավարման խորհրդի անդամների թվաքանակից ավելի անուն պարունակող քվեաթերթիկը անվավեր է: Կառավարման խորհրդի յուրաքանչյուր անդամի թեկնածուի անվան դիմաց ամեն մի նշում համարվում է մեկ ձայն: Քվեարկության արդյունքում ամենաշատ ձայներ ստացած թեկնածուները համարվում են ընտրված Կառավարման խորհրդի անդամներ: Եթե առաջադրված թեկնածուների քանակն ավելի չէ սույն կանոնադրությամբ սահմանված քանակից, ապա քվեաթերթիկում նախատեսվում է նաև «Բոլորին կողմ եմ» տարբերակը: Ընտրված, բայց ինքնաբացարկ հայտնած անդամին փոխարինում է ցուցակում հաջորդ տեղ գտած թեկնածուն: Գաղտնի քվեարկությունը կազմակերպում, անցկացնում և արդյունքներն ամփոփում է հաշվիչ հանձնաժողովը: Գաղտնի քվեարկության կազմակերպման, անցկացման և ամփոփման համար անհրաժեշտ փաստաթղթերի ձևը սահմանում է կառավարման խորհուրդը:

5.13. Սույն կանոնադրությամբ սահմանված կարգով պատվիրակներ ընտրելու դեպքում, համագումարն անցկացվում է պատվիրակների մասնակցությամբ: Պատվիրակն ընտրվում է երկու տարի ժամկետով՝ Կուսակցության անդամների կողմից: Պատվիրակ կարող է ընտրվել միայն կուսակցության անդամը: Կուսակցության յուրաքանչյուր անդամ կարող է ընտրել միայն մեկ պատվիրակ: Ընտրության կամահայտնությունը ձևակերպվում է վստահագրով: Պատվիրակների ընտրության համար նախատեսված ժամանակահատվածում Կուսակցության անդամը սույն կանոնադրությամբ նախատեսված քանակի վստահագրեր է ստանում և ներկայացնում կառավարման խորհրդի նախագահին, որի որոշմամբ կուսակցության անդամը ճանաչվում է պատվիրակ: Վստահագրի մեջ նշվում է պատվիրակի և կուսակցության անդամի անունը, ազգանունը, ամսաթիվը, ինչպես նաև կուսակցության անդամի ստորագրությունը: Կարող է կազմվել նաև խմբային վստահագիր:

5.14. Պատվիրակների քանակը սահմանվում է.

1) Մինչև 2000 /երկու հազար/ անդամ ունենալու դեպքում 100 /հարյուր/.

2) 2001 /երկու հազար մեկից/ մինչև 5000 /հինգ հազար/ անդամ ունենալու դեպքում 200 /երկու հարյուր/.

3) 5001 /հինգ հազար մեկ/ և ավելի անդամ ունենալու դեպքում 500 /հինգ հարյուր/:

5.15. Պատվիրակների ընտրության համար նախատեսված ժամանակահատվածի առաջին օրվա դրությամբ կուսակցության անդամների քանակը բաժանվում է սույն կանոնադրության 5.14. կետի 1-3 ենթակետերից մեկում նշված համապատասխան թվին: Ստացված քանորդը համարվում է պատվիրակների ընտրության համար անհրաժեշտ ձայների /վստահագրերի/ քանակ պատվիրակի ձայնը ներառյալ: Ոչ ամբողջ թիվ ստանալու դեպքում թիվը կլորացվում է դեպի ներքև:

5.16. Պատվիրակները համագումարում քվեարկում են սույն կանոնադրության 5.10-5.12-րդ կետերով սահմանված կարգով:

6. ԿՈՒՍԱԿՑՈՒԹՅԱՆ ԿԱՌԱՎԱՐՄԱՆ ԽՈՐՀՈՒՐԴԸ

6.1. Կուսակցության մշտապես գործող ղեկավար մարմինը կուսակցության կառավարման խորհուրդն է, որը կազմված է նվազագույնը 5, իսկ առավելագույնը 11 անդամից: Կառավարման խորհրդի անդամները վարկանիշային ընտրության սկզբունքով Կուսակցության կազմից ընտրվում են համագումարում, սույն կանոնադրությամբ սահմանված կարգով՝ 4 /չորս/ տարի ժամկետով: Կառավարման խորհրդի անդամների թեկնածուներն առաջադրվում են Կուսակցության այլ անդամի կողմից առաջադրման կամ ինքնաառաջադրման եղանակով:

6.2. Կառավարման խորհրդի անդամն իրավունք ունի.

- 1) Հանդես գալ հայտարարություններով,
- 2) Ներկայացնել առաջարկություններ,
- 3) Ծանոթանալ նիստի բոլոր նյութերին,
- 4) Առարկել կառավարման խորհրդի այլ անդամի /այդ թվում՝ կառավարման խորհրդի նախագահի/ գործողությունները:

6.3. Կառավարման խորհրդի անդամը պարտավոր է.

- 1) Մասնակցել կառավարման խորհրդի նիստերին,
- 2) Պահպանել նյութերի գաղտնիությունը,
- 3) Կատարել կառավարման խորհրդի որոշումները:

6.4. Կառավարման խորհուրդն ունենում է նիստեր, որոնց արդյունքում ընդունում է որոշումներ: Անհրաժեշտությունից ելնելով՝ կառավարման խորհրդի նիստը կարող է անցկացվել նաև հեռավար՝ հաղորդակցության միջոցների կիրառմամբ:

6.5. Կառավարման խորհրդի հերթական նիստերը հրավիրվում են կառավարման խորհրդի նախագահի կողմից հաստատված օրակարգով, յուրաքանչյուր երեք ամիսը մեկ անգամ: Կառավարման խորհրդի արտահերթ նիստերը կարող են հրավիրվել կառավարման խորհրդի անդամների մեկ երրորդի կամ Կուսակցության առնվազն հիսուն անդամի նախաձեռնությամբ: Կառավարման խորհրդի անդամները կառավարման խորհրդի նիստի օրակարգի, նիստի տեղի, օրվա և ժամի մասին պատշաճ կարգով ստանում են ծանուցում՝ ոչ ուշ քան նիստի անցկացման օրվանից երեք օր առաջ:

6.6. Կառավարման խորհրդի նիստն իրավագոր է, եթե հրավիրվել է սույն կանոնադրությամբ սահմանված կարգով և նիստին մասնակցում են կառավարման խորհրդի առնվազն վեց անդամ: Կառավարման խորհրդի նախագահի բացակայության դեպքում նիստը վարում է կառավարման խորհրդի կողմից որոշված անձը:

6.7. Կառավարման խորհրդի նիստն արձանագրվում է, որտեղ արտացոլվում են նաև նիստում քվեարկության արդյունքները: Նիստի արձանագրությունը կազմվում է նիստի ավարտից հետո՝ եռօրյա ժամկետում, պարզ թղթային եղանակով: Նիստի արձանագրությունը կազմակերպում է կառավարման խորհրդի նախագահը:

6.8. Կառավարման խորհուրդը.

- 1) Կուսակցության անունից հանդես է գալիս հայտարարություններով և առաջարկներով,
- 2) Հաստատում է կանոնադրության տարեկան բյուջեն,
- 3) Կուսակցության նախագահի առաջարկությամբ՝ հաստատում է կուսակցության ռազմավարությունը, ընդունում է գործողությունների ծրագրեր,

4) Հաստատված տարեկան բյուջեի հիման վրա հաստատում է կուսակցության ծախսերի նախահաշիվը,

5) Կուսակցության անունից կնքում է քաղաքացիաիրավական գործարքներ,

6) Փոփոխություններ է կատարում համագումարի կողմից Ազգային ժողովի ընտրությունների համար հաստատված ընտրական ցուցակներում, եթե համագումարի կողմից հաստատվելուց հետո ընտրական ցուցակում փոփոխություն կատարելու անհրաժեշտությունն առաջացել է կուսակցության կամքից անկախ պատճառներով,

7) Հաստատում է Ազգային ժողովի և համամասնական ընտրակարգով ընտրվող համայնքների ավագանիների ընտրություններում Կուսակցության ընտրական ցուցակները թեկնածուների այն մասով, որոնց հաստատումը օրենքով կամ սույն կանոնադրությամբ վերապահված չէ համագումարին, ինչպես նաև հերթական և արտահերթ ընտրություններում Կուսակցականների դաշինքի ընտրական ցուցակը:

8) Հաստատում է կուսակցության էթիկայի կանոնները,

9) Որոշում է կայացնում կուսակցության անդամությունից հեռացնելու մասին,

10) Հաստատում է կուսակցության անդամներին հաշվառելու կարգը և պայմանները,

11) Նշանակում է կուսակցության խոսնակին,

12) Հաստատում է կուսակցության կառավարման խորհրդի կանոնակարգը,

13) Հաստատում է կուսակցության հաստիքացուցակը, ինչպես նաև ներքին աշխատանքային կանոնակարգը,

14) Որոշում է ընդունում այլ պետությունների քաղաքական կուսակցությունների հետ համագործակցելու, միջազգային միություններին և ասոցիացիաներին անդամագրվելու մասին,

15) Իրականացնում է օրենքով և սույն կանոնադրությամբ վերապահված այլ լիազորություններ,

Կառավարման խորհրդի որոշումներն ընդունվում են նիստի մասնակիցների ձայների պարզ մեծամասնությամբ, եթե օրենքով կամ սույն կանոնադրությամբ այլ բան նախատեսված չէ: Կառավարման

խորհրդի յուրաքանչյուր անդամ /ներառյալ կառավարման խորհրդի նախագահը/ ունի մեկ ձայն: Կառավարման խորհրդի անդամը նիստին մասնակցում է և քվեարկում է անձամբ:

6.9. Կառավարման խորհուրդը կարող է կազմալուծվել համագումարի որոշմամբ: Կառավարման խորհուրդը պարտավոր է Կուսակցության անդամների առնվազն մեկ երրորդի գրավոր պահանջով հրավիրել համագումար՝ կառավարման խորհրդի կազմալուծման հարցով: Կառավարման խորհրդի կողմից սույն կետում նշված գրավոր պահանջը ստանալուց հետո՝ երեսուն օրվա ընթացքում համագումար հրավիրելու մասին որոշում չկայացնելու դեպքում /ընդ որում՝ համագումարը չի կարող նշանակվել պահանջ ներկայացնելու օրվան հաջորդող վաթսուն օրվանից ոչ ուշ/, պահանջ ներկայացրած անձանց լիազոր ներկայացուցիչը հրավիրում է համագումար՝ կառավարման խորհրդի կազմալուծման հարցով: Համագումարի կողմից կառավարման խորհրդի կազմալուծման մասին որոշում կայացնելու օրվան հաջորդող տասներորդ օրը համարվում է հրավիրված համագումար՝ կառավարման խորհրդի նոր անդամներ ընտրելու օրակարգով: Կազմալուծված կառավարման խորհրդի նախագահը շարունակում է պաշտոնավարել մինչև նոր կառավարման խորհրդի ձևավորման օրը:

6.10. Կուսակցության անունից այլ մարմինների և անձանց հետ հարաբերություններում հանդես է գալիս կառավարման խորհրդի նախագահը՝ առանց լիազորագրի: Կառավարման խորհրդի նախագահի կողմից ներկա գտնվելու անհնարինության կամ այլ դեպքերում կառավարման խորհուրդն ընտրում է լիազորված անձ:

6.11. Կառավարման խորհրդի նախագահն ընտրվում է համագումարի կողմից՝ 4 /չորս/ տարի ժամկետով:

6.12. Կառավարման խորհրդի նախագահը՝

- 1) առանց լիազորագրի ներկայացնում է Կուսակցություն և հանդես է գալիս նրա անունից, տալիս է Կուսակցության անունից հանդես գալու լիազորագրեր,
- 2) Կուսակցության անունից կնքում է քաղաքացիաիրավական գործարքներ՝ Կուսակցության համագումարի կողմից հաստատված բյուջեի շրջանակներում,
- 3) նախագահում է համագումարը
- 4) կազմակերպում և նախագահում է կառավարման խորհրդի նիստերը,
- 5) Կուսակցության անդամին նշանակում է կառավարման խորհրդի նիստերի քարտուղար,
- 6) Կուսակցության անունից՝ իր իրավասության սահմաններում ստորագրում է բոլոր անհրաժեշտ փաստաթղթերը:

7. ԿՈՒՍԱԿՑՈՒԹՅԱՆ ՎԵՐԱՆՏՄԿԻՉ ՀԱՆՁՆԱԺՈՂՈՎԸ

7.1. Կուսակցության վերահսկողություն իրականացնող մարմինը վերահսկիչ հանձնաժողովն է, որը հետևում է Կուսակցության մարմինների կողմից Հայաստանի Հանրապետության օրենսդրության, սույն կանոնադրության, Կուսակցության էթիկայի կանոնների, ինչպես նաև համագումարի և կառավարման խորհրդի կայացված որոշումների կատարմանը:

7.2. Վերահսկիչ հանձնաժողովի կազմը բաղկացած է նվազագույնը 3 /երեք/, իսկ առավելագույնը 5 /հինգ/ անդամից: Վերահսկիչ հանձնաժողովի անդամներն ընտրվում են Համագումարի կողմից, բաց քվեարկությամբ, 4 /չորս/ տարի ժամկետով: Վերահսկիչ հանձնաժողովի անդամի թեկնածուներն ինքնառաջադրվում են կամ առաջադրվում են Կուսակցության այլ անդամի կողմից առաջադրման եղանակով:

7.3. Վերահսկիչ հանձնաժողովը իր կազմից ընտրում է նախագահ՝ բաց քվեարկությամբ, հանձնաժողովի անդամների ձայների մեծամասնությամբ, որը վերահսկում և համակարգում է հանձնաժողովի աշխատանքները:

7.4. Վերահսկիչ հանձնաժողովի անդամը չի կարող միաժամանակ լինել Կուսակցության կառավարման խորհրդի անդամ:

7.5. Վերահսկիչ հանձնաժողովը՝

- 1) Իրականացնում է Կուսակցության մարմինների գործունեության ստուգումներ՝ ինքնուրույն որոշելով ստուգման շրջանակները և ժամանակահատվածը,
- 2) Կուսակցության մարմնից կարող է պահանջել ցանկացած բնույթի փաստաթղթեր և տեղեկություններ, ինչպես նաև ծանոթանալ Կուսակցության գործունեությանն առնչվող փաստաթղթերին,
- 3) Վերահսկում է կուսակցության դրամական միջոցների ձևավորման և ծախսման գործընթացները, ստուգում է դրամական միջոցների մուտքերի և ելքերի օրինականությունը,

- 4) Վերահսկում է կուսակցության գույքի տնօրինման, տիրապետման և օգտագործման գործընթացները,
 - 5) Կազմում է Կուսակցության տարեկան բյուջեի կատարման մասին եզրակացություն,
 - 6) Առաջարկություն է ներկայացնում Կուսակցության մարմնի կողմից կատարված խախտումը վերացնելու վերաբերյալ,
 - 7) Հարուցում է կարգապահական վարույթ Կուսակցության անդամի նկատմամբ, իրականացնում է կարգապահական վարույթը և սույն կանոնադրությամբ սահմանված դեպքերում կիրառում է կարգապահական տույժեր,
 - 8) Կուսակցության անդամին Կուսակցությունից հեռացնելու հարցով դիմում է կառավարման խորհրդին,
 - 9) Իրականացնում է օրենքով և սույն կանոնադրությամբ սահմանված այլ լիազորություններ:
- 7.6. Վերահսկիչ հանձնաժողովը սույն կանոնադրությամբ իրեն վերապահված լիազորություններն իրականացնում է նիստերում որոշումներ ընդունելու միջոցով: Վերահսկիչ հանձնաժողովի նիստերն իրավագոր են, եթե նիստին մասնակցում է հանձնաժողովի անդամների երկու երրորդը: Որոշումները համարվում են ընդունված, եթե կողմ է քվեարկել հանձնաժողովի առնվազն 2 /երկու/ անդամ: Վերահսկիչ հանձնաժողովի նիստերը վարում է հանձնաժողովի նախագահը, իսկ վերջինիս բացակայության դեպքում՝ հանձնաժողովի կողմից որոշված մեկ այլ անդամ:
- 7.7. Վերահսկիչ հանձնաժողովի նախագահը ստորագրում է հանձնաժողովի նիստերի արձանագրությունները, որոշումները, պահանջները, առաջարկությունները և այլ փաստաթղթեր:
- 7.8. Վերահսկիչ հանձնաժողովի անդամն իրավունք ունի՝
- 1) ներկայացնել առաջարկություններ,
 - 2) ծանոթանալ վարույթի նյութերին,
 - 3) առարկել հանձնաժողովի այլ անդամի գործողությունները:
- 7.9. Վերահսկիչ հանձնաժողովի անդամը պարտավոր է՝
- 1) մասնակցել վերահսկիչ հանձնաժողովի նիստերին և քվեարկությանը,
 - 2) պահպանել նյութերի գաղտնիությունը,
 - 3) կատարել հանձնաժողովի որոշումները:
- 7.10. Վերահսկիչ հանձնաժողովը հաշվետու է Կուսակցության համագումարին:
- 7.11. Վերահսկիչ հանձնաժողովը կարող է կազմալուծվել համագումարի որոշմամբ:

8. ԿՈՒՄԱԿՑՈՒԹՅԱՆ ՆԱԽԱԳԱՀԸ

- 8.1. Կուսակցության նախագահն, ով նաև կուսակցության կառավարման խորհրդի նախագահն է ընտրվում է Համագումարի կողմից, 4 /չորս/ տարի ժամկետով ինքնաառաջադրման կամ Կուսակցության այլ անդամի կողմից առաջադրման եղանակով:
- 8.2. Կուսակցության նախագահը՝
- 1) իրականացնում է Կուսակցության ընդհանուր ղեկավարումը,
 - 2) կառավարման խորհրդի հաստատմանն է ներկայացնում Կուսակցության աշխատողների հաստիքացուցակը և դրույթաչափերը,
 - 3) աշխատանքի է ընդունում և աշխատանքից ազատում Կուսակցության աշխատակազմի հաստիքային աշխատողներին,
 - 4) իր իրավասության սահմաններում որոշումներ է ընդունում Կուսակցության գործունեության ընթացիկ հարցերի վերաբերյալ և ստորագրում է հրամաններ, կարգադրություններ և անհրաժեշտ այլ փաստաթղթեր, Կուսակցության անունից կնքում է պայմանագրեր և համաձայնագրեր,
 - 5) կառավարման խորհրդի քննարկմանն ու հաստատմանն է ներկայացնում Կուսակցության տարեկան բյուջեն և դրամական նախահաշիվները,
 - 6) համագումարին հաշվետվություն է ներկայացնում Կուսակցության գործունեության, կառավարման խորհրդի կողմից հաստատված տարեկան բյուջեի և դրամական ծախսերի նախահաշիվների վերաբերյալ,
 - 7) ապահովում է համագումարի, կառավարման խորհրդի որոշումների կատարումը,
 - 8) տնօրինում է Կուսակցության գույքը և դրամական միջոցները,
 - 9) իրականացնում է սույն կանոնադրությամբ և Կուսակցության համագումարի կողմից իրեն վերապահված այլ լիազորություններ:

9. ԿՈՒՍԱԿՑՈՒԹՅԱՆ ԱՆԴԱՄԱԿՑԵԼՈՒ ԵՎ ԱՆԴԱՄԱԿՑՈՒԹՅՈՒՆԸ ԴԱԴԱՐԵՑՆԵԼՈՒ ՊԱՅՄԱՆՆԵՐՆ ՈՒ ԿԱՐԳԸ

9.1. Կուսակցությանն անդամակցությունը կամավոր է և անհատական:

9.2. Կուսակցության անդամներ կարող են լինել տասնութ տարին լրացած ընտրական իրավունք ունեցող Հայաստանի Հանրապետության քաղաքացիները, որոնք ընդունում են սույն կանոնադրությունը և Կուսակցության ծրագիրը և չեն հանդիսանում մեկ այլ կուսակցության հիմնադիր:

9.3. Կուսակցության հիմնադիրները Կուսակցության պետական գրանցումից հետո օրենքի ուժով դառնում են Կուսակցության անդամներ:

9.4. Կուսակցության անդամակցությունը կատարվում է քաղաքացու դիմումի հիման վրա՝ կառավարման խորհրդի որոշմամբ: Քաղաքացու անդամակցության դիմումը քննարկվում է այն ստանալու օրվանից 30 /երեսուն/ օրվա ընթացքում: Կառավարման խորհուրդը մերժում է քաղաքացու անդամակցության դիմումը, եթե քաղաքացին կամ նրա դիմումը չի համապատասխանում «Կուսակցությունների մասին» Հայաստանի Հանրապետության սահմանադրական օրենքի և /կամ/ սույն կանոնադրության պահանջներին:

9.5. Կուսակցությանն անդամությունը դադարում է՝

- 1) կուսակցության անդամի դիմումի հիման վրա՝ դիմումը ներկայացնելու օրվանից,
- 2) կուսակցությունից հեռացվելու դեպքում՝ կառավարման խորհրդի որոշման հիման վրա,
- 3) կուսակցության անդամի մահվան դեպքում՝ կառավարման խորհրդի նախագահի որոշման

հիման վրա,

- 4) կուսակցության լուծարման դեպքում:

9.6. Սույն կանոնադրության 75-րդ կետի՝

- 1) 1-ին ենթակետում նշված դիմումը պետք է պարունակի տեղեկատվություն

Կուսակցությունից դուրս գալու մասին,

- 2) ինչպես նաև ստորագրված լինի Կուսակցության անդամի կողմից, 2-րդ ենթակետում նշված կառավարման խորհրդի որոշում կայացվում է վերահսկիչ հանձնաժողովի դիմումի /առաջարկության/ հիման վրա,

3) 3-րդ ենթակետում նշված որոշումը կայացվում է Կուսակցության անդամի մահվան փաստի մասին տեղեկացվելուց անմիջապես հետո,

4) 4-րդ ենթակետում նշված դեպքում Կուսակցության անդամների անդամությունը համարվում է դադարեցված Կուսակցության լուծարման պահից:

10. ԿՈՒՍԱԿՑՈՒԹՅԱՆ ԱՆԴԱՄՆԵՐԻ ՆԿԱՏՄԱՍԲ ԿԻՐԱՌՎՈՂ ԿԱՐԳԱՊԱՀԱԿԱՆ ՊԱՏԱՍԽԱՆԱՏՎՈՒԹՅՈՒՆԸ

10.1. Կուսակցության անդամը օրենքով և սույն կանոնադրությամբ սահմանված պարտականությունները չկատարելու կամ ոչ պատշաճ կատարելու, ինչպես նաև Կուսակցության էթիկայի կանոնները խախտելու դեպքում կարող է ենթարկվել կարգապահական պատասխանատվության հետևյալ միջոցների՝

- 1) նկատողություն
- 2) խիստ նկատողություն
- 3) կուսակցությունից հեռացում:

10.2. Կարգապահական վարույթը հարուցվում է կառավարման խորհրդի նախագահի կամ վերահսկիչ հանձնաժողովի որոշմամբ: Կարգապահական վարույթը հարուցվում է՝

1) պետական կամ տեղական ինքնակառավարման մարմինների, պաշտոնատար անձանց, ֆիզիկական և իրավաբանական անձանց բողոքների /դիմումների/ հիման վրա,

- 2) զանգվածային լրատվության միջոցների հրապարակումների հիման վրա,

- 3) կամ սեփական նախաձեռնությամբ:

10.3. Կարգապահական վարույթն իրականացնում է վերահսկիչ հանձնաժողովը՝ 30 /երեսուն/ օրվա ընթացքում:

10.4. Կարգապահական վարույթի իրականացման արդյունքում վերահսկիչ հանձնաժողովը ընդունում է հետևյալ որոշումներից մեկը՝

- 1) կարճել կարգապահական վարույթը,

2) կուսակցության անդամին ենթարկել կարգապահական պատասխանատվության՝ նկատողություն կամ խիստ նկատողություն հայտարարելու միջոցով,

3) կուսակցության անդամին հեռացնելու հարցով դիմել կառավարման խորհրդին:

10.5. Կուսակցության անդամին հայտարարվում է խիստ նկատողություն, եթե նա առաջին անգամ է թույլ տվել սույն կանոնադրության կամ Կուսակցության էթիկայի կանոնների պահանջների խախտում, որն իր բնույթով կոպիտ չէ:

10.5. Կուսակցության անդամին հայտարարվում է խիստ նկատողություն, եթե նա երկրորդ անգամ է թույլ տվել սույն կանոնադրության կամ Կուսակցության էթիկայի կանոնների պահանջների խախտում, որն իր բնույթով կոպիտ չէ:

10.6. Կուսակցությունից հեռացնելու մասին որոշումն ընդունվում է, եթե Կուսակցության անդամը կոպիտ կերպով խախտել է սույն կանոնադրության կամ Կուսակցության էթիկայի կանոնների պահանջները կամ մեկ տարվա ընթացքում առնվազն երկու անգամ ենթարկվել է կարգապահական պատասխանատվության: Սույն կետի իմաստով կոպիտ խախտում է համարվում այն խախտումը, որը հակասում է սույն կամ Կուսակցության էթիկայի կանոններին և վնաս է պատճառում կամ կարող է պատճառել Կուսակցության բարի համբավին:

10.7. Կուսակցության անդամին Կուսակցությունից հեռացնելու մասին որոշումն ընդունում է կառավարման խորհուրդը՝ վերահսկիչ հանձնաժողովի դիմումի /առաջարկության/ հիման վրա, որը քննարկվում է 30 /երեսուն/ օրվա ընթացքում:

10.8. Կուսակցության անդամին նկատողություն կամ խիստ նկատողություն հայտարարելու մասին վերահսկիչ հանձնաժողովի որոշումը Կուսակցության անդամը կարող է բողոքարկել կառավարման խորհուրդ՝ այն ստանալու հաջորդ օրվանից՝ 10 /տասը/ օրվա ընթացքում:

10.9. Կուսակցության անդամին կարգապահական վարույթ հարուցելու մասին և կարգապահական վարույթի արդյունքներով ընդունված համապատասխան որոշումները պատշաճ կարգով ուղարկվում /հանձնվում/ են Կուսակցության անդամին՝ որոշումն ընդունելու օրվանից՝ եռօրյա ժամկետում:

11. ԸՆՏՐԱԿԱՆ ՑՈՒՑԱԿՆԵՐԻ ՁԵՎԱՎՈՐՄԱՆ ԿԱՐԳԸ

11.1. Կառավարման խորհուրդը հաստատում է Ազգային ժողովի և համամասնական ընտրակարգով ընտրվող համայնքների ավագանիների ընտրություններին կուսակցության ընտրական ցուցակների ձևավորման կարգը՝ համաձայն «Հայաստանի Հանրապետության ընտրական օրենսգիրք» սահմանադրական օրենքի և սույն կանոնադրության պահանջների:

11.2. Ազգային ժողովի և համամասնական ընտրակարգով ընտրվող համայնքների ավագանիների ընտրություններին մասնակցելու դեպքում Կուսակցության ընտրական ցուցակները ձևավորվում են «Հայաստանի Հանրապետության ընտրական օրենսգիրք» սահմանադրական օրենքով ընտրական ցուցակներին ներկայացվող պահանջներին համապատասխան՝ կառավարման խորհրդի կողմից:

11.3. Կուսակցության համապետական և տարածքային ընտրական ցուցակների թեկնածուներին կառավարման խորհրդի քննարկմանը կարող է առաջադրել կառավարման խորհրդի անդամը: Ընտրական ցուցակների ձևավորման ժամանակ հաշվի են առնվում նաև Կուսակցության անդամների ներկայացրած առաջարկությունները:

11.4. Թեկնածուների հարցը քննարկելիս պետք է հաշվի առնվեն նաև «Հայաստանի Հանրապետության ընտրական օրենսգիրք» սահմանադրական օրենքով սահմանված պահանջները /այդ թվում՝ սահմանափակումները/, այդ թվում՝ ըստ ընտրողների ռեզիստրի այդ ընտրական տարածքում ընդգրկված որոշակի թվով քաղաքացու հաշվարկով նախատեսված թվով թեկնածուների, յուրաքանչյուր սեռի ներկայացուցչի թվի, ազգային փոքրամասնությունների ներկայացուցիչների, ինչպես նաև ցուցակների մասերի հետ կապված պահանջները:

11.5. Կուսակցության համապետական և տարածքային ընտրական ցուցակները հաստատվում և առաջադրվում են կառավարման խորհրդի որոշմամբ, եթե այլ բան նախատեսված չէ օրենքով: Համապետական և տարածքային ընտրական ցուցակների բոլոր էջերը կնքում և ստորագրում է կառավարման խորհրդի նախագահը կամ նրան փոխարինող անձը:

11.6. Ազգային ժողովի հերթական ընտրություններում Կուսակցության ընտրական ցուցակում թեկնածուների՝ առաջին երեք տասնյակի ցանկը հաստատում է Կուսակցության համագումարը:

12. ԿԱՆՈՆԱԴՐՈՒԹՅՈՒՆՈՒՄ ԵՎ ԾՐԱԳՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ԿԱՐԳԸ

12.1. Սույն կանոնադրությունում կամ Կուսակցության ծրագրում փոփոխություններ և լրացումներ կարող են կատարվել Կուսակցության համագումարի կողմից՝ կառավարման խորհրդի ներկայացմամբ:

12.2. Սույն կանոնադրությունում կամ Կուսակցության ծրագրում փոփոխություններ և լրացումներ կատարելու մասին համագումարի որոշման նախագիծը կազմվում և հավանության է արժանանում կառավարման խորհրդի կողմից, որից հետո միայն այն կարող է ներկայացվել համագումարի քննարկմանը և հաստատմանը /ընդունմանը/:

13. ԿՈՒՍԱԿՑՈՒԹՅԱՆ ԳՈՒՅՔԸ ԵՎ ՄԻՋՈՑՆԵՐԸ

13.1. Սույն կանոնադրությամբ և Կուսակցության ծրագրով սահմանված նպատակների իրականացման համար Կուսակցությունը սեփականության կամ այլ գույքային իրավունքով կարող է ունենալ ցանկացած գույք:

13.2. Կուսակցության գույքը գոյանում է՝

- 1) օրենքով նախատեսված կարգով բյուջետային ֆինանսավորումից,
- 2) օրենքով սահմանված նվիրատվություններից,
- 3) օրենքով սահմանված գործունեությունից ստացված եկամուտներից:

13.3. Կուսակցության անդամը սեփականության իրավունք չունի Կուսակցությանը պատկանող գույքի նկատմամբ: Կուսակցության գույքի նվիրատվությունն արգելվում է, բացառությամբ օրենքով նախատեսված դեպքերի:

13.4. Կուսակցությունն իր գույքով պատասխանատվություն չի կրում իր անդամների պարտավորությունների համար, Կուսակցության անդամն իր գույքով պատասխանատվություն չի կրում Կուսակցության պարտավորությունների համար:

13.5. Կուսակցությունը կարող է ունենալ բանկային հաշիվներ միայն Հայաստանի Հանրապետության տարածքում գործող Կենտրոնական բանկի կողմից լիցենզավորված բանկերում:

13.6. Կուսակցության բոլոր դրամական վճարումները կատարվում է անկանխիկ հաշվարկներով:

14. ԿՈՒՍԱԿՑՈՒԹՅԱՆ ՎԵՐԱԿԱԶՄԱԿԵՐՊՄԱՆ ԵՎ (ԿԱՄ) ԼՈՒԾԱՐՄԱՆ ԿԱՐԳԸ

14.1. Կուսակցության վերակազմակերպումը (միաձուլվելը, միանալը, բաժանվելն ու առանձնանալը) կատարվում է համագումարի որոշմամբ՝ Հայաստանի Հանրապետության քաղաքացիական օրենսգրքով սահմանված կարգով: Կուսակցությունը կարող է վերակազմակերպվել (միաձուլվել, միանալ, բաժանվել, առանձնանալ) միայն այլ կուսակցության (կուսակցությունների):

14.2. Կուսակցության լուծարումը կատարվում է համագումարի որոշմամբ՝ օրենքով և Հայաստանի Հանրապետության քաղաքացիական օրենսգրքով սահմանված կարգով:

14.3. Եթե Կուսակցության լուծարման համար հրավիրված համագումարն իրավագոր չէ, ապա Կուսակցության լուծարման մասին որոշումն ընդունում է կառավարման խորհուրդը, իսկ կառավարման խորհրդի իրավագոր չլինելու դեպքում՝ Կուսակցությունը լուծարվում է Կուսակցության հիմնադիրներից մեկի որոշմամբ: Այս դեպքում Կուսակցության լուծարման մասին որոշումը համարվում է ընդունված, եթե որոշումը կայացնելու օրվանից հետո՝ երեք ամսվա ընթացքում, Կուսակցության համագումարը կամ կառավարման խորհուրդը այլ որոշում չեն կայացրել:

14.4. Լուծարման դեպքում Կուսակցության պարտատերերի պահանջները բավարարելուց հետո մնացած գույքը ուղղվում է Կուսակցության կանոնադրությամբ նախատեսված նպատակներին, իսկ դրա անհնարինության դեպքում փոխանցվում է պետական բյուջե:

Սույն կանոնադրությունը կազմված է 13 հոկտեմբերի 2021 թվականին և բաղկացած է 11 էջից: